

小重山房詩詞全集

詩船詞續

華亭 張祥河 元卿

齊天樂

詠瓦壘子次黃研北丈韻

香泥細漉羹纔沸尊前夜寒添矣似瓦排鱗何  
田種玉好勝鷺黃同寄盈盈一水問爲甚鏤心  
苦吟須此相傳此味能補心血舊夢杭州雁程相望片帆  
至 清芬真欲沁齒有西施舌小鮮脆無異蠅  
蝠前身鴛鴦近樣付與紅兒游戲些些雋味看

暈頰生潮也。拚微醉笑炙天嚮。幾回頰素指。

角招

督漕濟上自陸而舟廉階主人駐十字河  
郵書促歸得一握手設餞官廨賓從咸集  
綠酒乍引如春斯溫黃花欲殘其香在葉  
主人命曲雙鬟來前碧玉儷美紅蘭競笑  
此唱彼和竹動絲隨宛轉合節難爲小年  
傾聽多歡浮以大白別去七日安山檣艫  
追思新聲取調雙角質之廉老盍付珠喉

怎消受陽關一唱相逢一別何驟賞花殘菊候  
玉笛初橫玉絲纜扣新聲譜就儘付與伊人檀  
口却喜明珠串串恁穿得小玲瓏數尊前紅豆  
回首揚州夢否畫船月上君是吹簫手柳枝  
何處有耍倩吳孃評量肥瘦銷魂可又只蝶板  
鶯歌休負寄語春風把袖料應在曉妝前填詞  
後

澹黃柳

久不度曲晤沈遠亭司馬津門拈此爲贈

蘼蕪欲暮煙外千絲織似海春陰花寂寂負此  
臨風把酒閒了江湖舊詞客 正相憶丁沽早  
潮白好攜手畫橋側問冰心尙滯琴消息指法  
年年一天漁唱惟有滄波自碧

滿庭詩

葉桐 祐州博之官吳江以園菊留贈暇日  
集同人艸堂小飲卽和王海兩韻并寄桐  
君

花與情留客隨秋去旖旎都在籬邊舊根新蕊

移布草堂前，賴有青蛾護。惜霜漸緊，教放晴煙。  
真堪慰菜萸九日，羈緒動經年。經年拋未得。  
囊詩貯百斗酒，論千只塵中寄傲閒。卽能仙還。  
是嬾漁故侶，松影底一做芳筵。知相望冷香如  
水江上落楓天。

萬年歡

詠池上鴛鴦次王海雨韻

色授形相愛，筠籠乍攜兩兩。厮竝何福，修來銀  
浦一灣。天近證箇蘭因，可穩有小小池塘低映。

應累我薙艸鋪葦綠茵交貼雙頸 開簾漫教  
勢猛看那人晚妝正拭奩鏡手漬胭脂彈入碧  
蓮花影好向紅衣悄問祇買繡年時癡甚還休  
笑隔水相思合歡多半緣分

前調

海雨以余暫置鴛鴦庭隅恐非其志作堅  
求還池詞仍次前韻爲報

暫避秋寒置花間曲房一任偎竝頃展蠻箋道  
出物情爲近笑指蘭池最穩更列坐清流交映

應輸爾異樣文章肯教籬下垂頸 臨風不知  
酒猛只觀河醉中共對明鏡欲宿還飛回首島  
壺烟影得句青天可問况滿地江湖寬甚從今  
約樂意相關在梁原是其分

前調

三疊前韻答海雨

彩筆飛來算知心幾人刷羽相竝照水芙蓉初  
日品詩差近揀箇苔磯坐穩恁咫尺汪洋波映  
尤堪羨似錦年華有誰能望肩頸 流光去如

箭猛指小池乍秋漸淬冰鏡說甚驚寒昨夜瓦  
棱霜影莫向鍼神細問只舞到宮衣翩甚須知  
道繡出苓床化工多係天分

邁陂塘

桐君吳江載菊圖

看獠奴剪枝裁葉萬花霜到濃處早時遺我增  
詩料晚種載之而去催雁櫓恁背指亭亭瘦影  
還能舞主人愛汝定官燭高燒客樽滿引小慰  
別懷苦 吳江水寫出潮聲夜語畫中吟思同

佇苜盤清味如園杞好與天隨爲侶情幾縷料  
秀句飛來一色金仙鑄商量野趣祇老瓦田家  
扁舟蟹舍細雨訂香譜

惜黃花慢

艸堂盈菊千枝匝月漸萎余爲惜花計截  
竹爲簞懸於隔牖插花高下沃以新汲之  
水客曰是古移春檻遺意也遂名爲菊架

思

隨意亭臺正不嫌鬪巧花境重開爲憐殘朵尙

資小汲替刪敗葉更顯奇才借秋笑過移春檻  
瓦盆底還爾霜菱錦可裁綴成步隨麋眼休猜  
明朝一笑同儕恁駭紅詫碧香到吟懷翠翹  
簾側迴身顛定玉鈿鏡裏貼額妝纔有誰會寫  
惺忪影隔籬近瘦句飛來潑凍醅與君盡了餘  
杯

壺中天

硯北丈見賞菊早愚製詞爲贈竝聞桐君  
歸自吳江喜而次韻卽邀桐君同醉花下

花殘堪惜却延秋半月小屏風裏客有攜詞來  
共賞道是天然佳製青士當窗青娥隔牖初雪  
輕寒避呼鐙籬下菜根還賸清味 回憶江上  
人遙扁舟歸了喜卜金錢幾花若有情依舊主  
不負留花儂意墜髻重梳橫釵復整別樣增妍  
媚一尊邀汝好教黃九同醉

### 高陽臺

題孔琴南孝廉柳邨讀書圖

浥雨帆輕攢苔樹密小舟行過桃花

桃花口地名楊

柳青邊萬條千縷橫斜何人示我邨居畫好仙  
源錦樣韶華讀書樓面面窗開煙翠無涯衍  
波箋上題新字想閒烹白石小醉流霞月底風  
梢飛來秀句詞家靈和殿裏前身在小蓬山豈  
任雲遮指春明綠染春袍正送公車

獨  
續  
吟  
豪

范帥石湖驂鸞錄自吳郡至桂林紀程作也道  
光甲辰春余奉

命承宣粵西自中州取道滎澤抵樊城買舟東  
下至武昌至岳州涉洞庭泊長沙江水盛漲於  
是改道就陸登衡嶽入粵西境以夏六月初旬  
至桂林途次有作聊遣岑寂於江山勝概迄未  
盡情模寫云華亭張祥河識

題辭

番禺張維屏

南山

天外飛來一卷詩，嶺雲江樹慰相思。  
開緘已覺煙霞氣，快覩驂鸞絕妙辭。

世澤堂高仰

御書

君家世澤堂，額爲文敏公時憲廟所賜。

家傳治譜有良模，定

知入桂棠陰芾，豈獨詩名繼石湖。

楚詩一一細評量

卷中有論楚詩十二首

香草吹香入錦

囊，曾向鼓山留玉佩。

道光戊子君典試閩中有鼓山留玉佩圖

又傳

佳話備三湘

醉擁蘂鸞卧海邊醒來鐙下展瑤編李公橋畔  
荷花酒勝會這思已十年

嘉慶己卯黃霽青太史招都中二十四詩

人集李公橋酒樓爲荷花  
作生日屏始與君相識

騶鷲吟彙

華亭 張祥河 詩舫

甲辰正月十五日奉 命承宣粵西恭紀

綸音眷首月圓時趨報高堂感 主知中土已

慙防水警不才何術撫邊陲 禁園溫樹彌增

戀入

方奏請

江驛安帆未礙遲

撥奉

水程前往

畧識

民風淳樸處柳州文與石湖詩

湯陰展觀岳忠武觀書真像

幅巾裘帶將而儒凜凜英風七尺軀向薄奸瞞

希亮祐不離育左涉孫吳班師河朔皆遮哭鍛  
獄淮西敢辨誣十載軍聲韜畧在豈徒心折到  
烏珠

北河

一拭黃塵目新紅杏數枝路彎霞隱隱峯缺雨  
垂垂林暗殘鴉入沙平細犬馳

北人呼獵犬爲細犬村人

出呼酒應有習家池

琉璃橋示恒卿弟

直是琉璃界清光入鏡匳西山吾舊識春水此

新添曉艇依紅阪寒蔬落翠鑷今宵對床話不  
負月當檐

二月十五日由昆明池抵園寓

路轉峯回十里遙行行木末見飛橋御田蓄  
水明千鄴園柳含煙鎖萬條舊地遊原非禁地  
今朝到恰是花朝卸裝扇子湖頭好夜月依然  
傍九霄

十六日至十九日四次 召見恭紀

明光宣召拜 恩稠四聽雞人報曉籌河事更

傳樞老問災區難釋

聖人憂

中牟大工以遠風走埽迄未合

龍

上注意搶辦垂問再四並

邊陲制用勾稽

重大郡儲才俊又求

天語動關謨典與服膺

敢不勵謀猷

題祁淳甫尙書雙橋精舍

巢鳳祇林拓數椽曉鐘烟水浩無邊雙橋帖帖

眠鳧地西嶰沈沈挂雨天花事期將三月暮師

門話到廿年前

曩在澄懷園當塗師食筍齋中斯夕相叙

楚江若遇

籠紗句

君誦舊句係視學湖南所作

定浣湘波一擘箋

柏鄉

澆水欲滿裳前旌指柏鄉  
雨餘桃靨褪風外麥  
頭昂寺廢幢猶在池乾草半荒  
路長人馬渴愈覺井泉香

菜花

送我籃輿入菜花  
飛飛黃蝶撲晴沙  
昨宵夢到鱸江上  
玉筋魚名登鮮蕨放芽

內邱道中

喧豧方野渡犂确又山行  
亂磔蹠皆響遙青眼

忽明穿林跑駮婦塑壁執爨兵墾種岡前後相  
聞叱犢聲

邯鄲

如此邯鄲境全非結客場封侯來入夢神觀去  
燒香世少黃金俠空餘大道倡山花開過了新  
綠滿前岡

磁州

磁州得水利夾道開雙渠土潤宜插秧波融見  
跳魚浮橋斷遺續飛絮密復疏柳條伐使高毋

磯刺史輿

沙岡風甚

陰雲不成雨，噫氣吹百卉。高則鳴白楊，低則捲碧葦。麤沙滿鞞鞞，大力壓輿尾。遙念汴城隄，千夫尙如蟻。

太夫人以粵西道遠，又就養中州，四年思

歸甚切。

河

重違

親意，謹遣

丙子

挈全眷

侍奉回南。三月二十六日，在蘭儀摠別紀

詩一首

中州四載侍昏晨及此蘭儀送畫輪百里難爲

掘別地六旬尙作遠遊人冠裳出郭叨情厚

中丞

及闔城寮屬均送至城外藥餌同僚識脈真

經歷王澄川定

爲壽徵實所喜鄉園南望近開顏一路揀秧新

### 榮澤寄王講泉

遊屐虛百泉石尤阻榮澤但見濁浪翻無異紅

牆隔同人坐樓船頗憶能書客風濤恣奔放一

桅屹空碧到晚勢未已迴車就荒驛飛沙不沾

衣酒半起題壁

渡河至鄭州得楊吉夫書知山莊添葺數  
楹將次落成

一展魚函喜過望煩君擘畫到山莊開渠列屋  
程功速種樹栽花計日長峯勢今看環婉嬾河  
聲昨夢接滄浪他時歸省邀朋舊尊酒先酬汝  
士楊

潁橋

野渡溶溶碧玉流更無奇處只橫舟潁濱何幸  
居遺老一過橋來訪子由

葉縣

村農依舊耦耕閒  
飛鳥伊誰往復還  
魯直殘碑何處讀  
曉煙深鎖臥羊山

扳倒井謁光武廟飯於暢園

門前雙井午風涼  
廟祀精虔拜漢皇  
名將爭看圖列宿  
伏波不與爲椒房  
小園東有亭臺勝  
過客南來水木香  
漫說中興多盛業  
軍威一振自昆陽

裕州早行

不寐蟲侵帳披衣鼠避釭蜂聲花隔屋鴉影月  
當窗籌早行臺報鐘還堊寺撞方城連楚北詩  
思寄蘭茝

新野

我行將至楚欲別豫民難岡阜收新麥旌旗送  
舊官風還歌集鴈筆待續驂鸞漢廣重回首層  
層江上巒

樊城

峴山一見一回遮萬綠成林路幾义高館早知

都傍水卑田漸覺不宜車從來龍鳳生王佐此  
去郎襄攬物華我是江南舊桑苧眼前煙水抵  
還家

東津灣

上峴連中峴東津旭日銜山腰千樹劃岡腹一  
村嵌水順拖前櫓風輕挂滿帆南來炎序早已  
試越羅衫

鹿門灘

鹿門灘嘴聽迴湍佳石臨江勢鬱盤好箇園林

真畫稿園林無此漢江寬

十里松檉宿幌雲

十里行松檉宿幌白雲影俱曾子固詩

平沙吹

水白紛紛臨江誰復槎頭釣黃九當年苦憶君

後來誰復釣槎頭山谷題浩然象句

### 羊祐父

晨起覺甚涼天陰北風作白沙間翠樹鴉陣中  
間落停舟羊祐父羣舟蟹蝥託呼飯集舟子一  
幅漁家樂連日阻石尤舟向淺沙閣今朝活潑  
地布帆力可拓風高腹正滿一繩舵手約小艇

不解事何得牽我脚

茅草洲

茅草洲前路宜城百里遙  
倒行防水駛穩坐覺  
風調沙迴銀成屑  
林繁墨欲焦  
晚來傾竹葉吟

賞杜康邀

宜城酒一名竹葉  
春杜康宜城人

楚漁詞四首

楚漁漢丈

楚漁者漢  
陰丈人

各天倪耆舊襄陽鴻鵠棲

不見此江變春酒  
何人解唱白銅鞮

真箇江魚似玉瓶  
水風薦網更無腥  
夜來飛夢

天河繞七十二灣相見青

明俞士吉詩飛夢繞  
天河弗顧鱗魚熟

莫向東臺呼野鷹萬山山青與峴山迎漢皋王

粲登樓處惟有西林月自明

習池曾子兩經過未一持杯喚奈何

曾子固習池詩二年

始再往一杯未嘗持

山簡當年寬法網清談世界任婆娑

### 轉斗灣

帆果隨湘轉停舟首尾更飛沙作人立浮梗學  
鳧行樹合將雲托厓危與水爭銀鱗剛入市午  
酌要南烹

碾盤山歌

大隄曲襄陽兒但知估客樂不識羊公碑自隨  
鷓首去雞鳴長相思山翼翼兮望如鳳山隆隆  
兮又如龜碾盤可轉山不移郎心如盤妾意癡  
江水鳴綠照鬢絲菖蒲花開碾麥時

安陸城外夜泊大雨

挂帆午息風停筵晚揮汗羊鐙照清酌作陣飛  
蟲亂早猜急雨來斜點紛几案片霎聲牀牀江  
濤添浩瀚郢城形釜底昨歲三浸灌居民苦沈

離輶就高岡，爨我因爲杞。憂單隄那忍，看小舟。  
忽軒轅加纜，一再喚中宵。聞柝巡始知，不離岸。

荆門

未能采藥踵龐公，未就山公酒一中。芒種雨添

江水白，端陽花在舵樓紅。路從安陸雙隄峻，自

陸以下皆有江隄。潮向荆門萬派東，虛抱濯纓慕賢志。

客程無奈太怱怱。聖俞詩泉以濯吾纓竹以慕賢躅

漢江舟次寄懷何兩人少農卽和贈行元

韻

耆舊襄陽杳莫尋  
懷人煙水入蕭襟  
銅鞮未聽攔街唱  
畫舫重繙贈策吟  
有夢禁園同直夜  
與君在樞曹  
且同夜直無波滄海  
兩人心漢江東下沅湘  
去芳草離離綠漸深

天香滿圃手親栽  
未到花時悔早來

君直廬多植牡丹仲

春杪尚未作花  
鷓眼乍看添  
硯譜鷓斑應爲覓香材  
君贈

梅花石硯翼香爲報  
護堂視膳春暉健  
紫禁鳴珂

曙色關賞君於紫禁城騎馬話別過從天尺咫何時

更接李膺杯

潛江

兩船並作一船行如翼帆張身便輕多寶灣過  
炊飯頃清風隄接踏歌聲乾魚宿味偏登饌求  
魚未得野菜真香不入城貪看潛江暮霞起鄉官  
何事刺船迎

澤口書所見

神女渦生頰圓花散槩牙鷺飛明貼鏡虹見淺  
籠紗草閣依林轉煙村入畫斜荒芹與殘葦誰  
辨釣人家

黑牛渡

黑牛渡口水茫茫潮到天門首岳莊雨後船旗  
聲欲裂風前江樹色多蒼亂山勢更欺頽岸遠  
絳光還避短檣未見隨舟成久待行廚早已熟  
黃梁

寄梁苑諸公

飛塵梁苑幾時休我獨江行豁兩眸愛煞煙波  
作奇想要分一段與中州

武昌魚最繫人思連日銀鱗伴酒卮縮項槎頭

已清妙老夔尙未得江鱗

天門夜月

鎮日思親在異鄉那能三泖接三湘沿隄漁唱  
月初上隔舫兒啼宵正長海禁連年纔撤戍江  
防數郡爲焚香微聞南去無灘險玉笛聲高近  
武昌

繫馬口

梅黃時雨灑忽雨忽新晴白屋看鱗比紅船作  
蠻行迴潮雙股合細路一條明驄馬何人繫垂

楊任送迎

食鮓魚

多年別汝最相思  
今夕明妝照酒卮  
素女含情柔到骨  
玉姬竟體滑如脂  
春江結宅原清絕  
小錄呼名總入時  
却笑五湖蓮唱晚  
贈人何必網西施

湖北臬署濃翠亭在獨秀峯下爲陳叙齋  
廉訪題

書畫因緣喜過從  
鶴樓未訪訪元龍  
尋詩齋壁

苔初蝕

吳荷屋前輩有詩刻石

對兩江城翠更濃菜圃茁

來香翦翦荷池擎出蓋重重粵西山色還遲看

先上君家獨秀峯

粵西亦有獨秀峯

五月朔日登黃鶴樓同集者朱恕齋方伯

陳叙齋廉訪程霽亭查瑤圃兩觀察及余

而五

翼翼飛樓倚碧穹長波千里望何窮荆湘南下  
江聲壯河漢東來地勢雄留客天分梅子雨憑  
高人立酒旗風一從崔灑詩成後誰更標題紫

翠中

一醉坏樽亦勿辭  
芳洲晴閣有餘思  
江南客與沙鷗熟  
坐上仙多海鶴姿  
疊嶂煙消排兀兀  
千帆風定去遲遲  
羽衣三弄梅花曲  
五月江城正及時

道人撫琴爲  
梅花三弄

劉氏靄園

奇峯在 cities 小築闢榛煙  
高下亭臺置蕭疏  
竹樹妍羽衣雲外想  
遊屐雨餘天吳質  
題名後於

今六十年

園名爲乾隆癸卯吾  
鄉吳白華先生所題

沌口

纔過沌口午平潮不斷青山隔岸招漁屋臨江  
兩三所江心架網養魚苗

蘆洲

蘆洲水清淺飯罷駐輕橈螢火明如豆螺更響  
應潮鏡垂花欲語香綏雪旋消直待鳴雞曙風  
帆挂碧寥

小溪峽口人家

人家谿峽口蘆則納官輕數笠夕陽外一條江

水明老牛波面渡小鳥葦間鳴南指嘉魚近終  
年不入城

嘉魚縣重五

舟子解呼風輕帆我欲東嘉魚重五節競渡兆  
年豐鼙鼓洪濤上龍旗繡浪中漁家諸女伴也  
挿野榴紅

瀧口至陸溪

白雨紛紛入紅霞漸漸低罟罾收處澗蒲艾割  
來齊斷嶼黃鋪芻遙山綠上梯片時瀧口過應

到陸家溪

神鳥集桅風立志喜

神鳥集桅來江清曉色開舟人勞指點諸葛祭  
風臺

石關至新隄驛

練光同淨鏡同明轉柁灣頭一拒迎長筏移寮  
容水漫老漁舉網讓舟行籠煙城郭真宜澹隔  
兩峯巒總不平安得笱箕泉舊隱盡情絹素寫  
縱橫

羅山至陽陵磯

田面齊江面停艫聽有沙  
漁腰瘦母蟹牛背落  
神鴉林淨渾如滴風香不見花  
前岡塗赭色著  
意翠苔加

午發陽陵磯僅兩時許卽抵岳州凡七十  
五里

難得風西北扁舟一葉輕  
神鴉儼前導快馬促  
詩成磯與煙離合洲分水濁  
清綫湖纔過眼已  
抵岳陽城

岳陽樓

日日江行學楚吟，岳陽樓上一開襟。  
九江得此洪流滙，五夜何當皓月臨。  
長劍仙蹤遊渺渺，滕子京詩：華州回道士來到岳陽城，別我遊何處。秋空一劍橫。  
大書虹采刻深深。范記：爲乾隆八年先子京頗作憑闌感憂樂，相文敏所書刻之屏門。  
規或有心。

早發洞庭湖

不驚人句只宜刪，摹寫洪波筆力孱。  
彌望無邊天水合，橫分有界蜀吳還。  
巴陵鼓角清風送，夢

澤魚龍白日閒多感湘靈催穩渡君山看飽又  
編山

君山茶

餉到黃封是貢餘芳芬何止渴羌除紅泥竈角  
吹煙起青草湖頭摘雨初樂古要聽湘水瑟詩  
多爲食武昌魚一清也得乾坤氣岸芷汀蘭迥  
不如

鹿角

到此拓心曾汪洋萬頃中一杯仙亦醉八景畫

難工峯指香鑪小濤翻鹿角雄石臺成砥柱永

賴濟川功

雍正九年發帑金二十萬建築石臺於舵桿洲以資利濟

出湖泊橋口

纔離波浩蕩卽日景清佳浴鷺翹灘嘴鳴鷄坐  
樹懷巴童荷蓋笠浣女筍皮鞋惟有秋前漲時  
聞水上街

寄題君山

有緣寺

寺

各與我無緣未及山根一艤船何日朗

吟亭上過挹將仙袂質詩篇

刻却君山真醉語猶之斫桂月明中文人恣論  
多欺世吳會何須地穴通

二妃萬古蒼梧怨絳繚天衣風外吹折茵蹇躓  
思廟薦空瞻湖上竹蕨鞋

湘陰赭山

湖上風濤成恐怖祖龍當日怒湘妃伐將斑竹  
能重翠空使殘山著赭衣

黃陵廟

黃陵廟裏有韓碑謫守潮州忽內移却恠昌黎

怕煙瘴不知佛法信神祇

三汊磯距長沙不遠却寄省會諸公

上水風微却不前一磯三汊斷還連綠村環竹  
通湖活紅巘攢苔耀日鮮八景瀟湘原絕色半  
生邱壑亦多緣羣公明日徵騷雅要乞山陰九  
萬箋

岳麓山下

鬢翠壓篷角舟遲水沒篙三湘孤嶂立萬樹一  
星高暝外聞清磬鏡前對濁醪祇應招月上扣

榜讀離騷

房師李雙圃先生先在長沙謁見志喜

四年前送帝京行別後常懷霽月清問字原  
思趨綠野停雲何幸候江城八番舊續蘆笙奏  
七澤新書綵筆成一語祝師重出岫公才公望  
繫輿評

雙圃師約同賀蔗農侍御陳瑤農水部唐  
育庵太守飲餞岳麓山

艤舟前夕嶽雲遮游趁迴帆急鼓搥出祖江頭

詩有助來龍，衡足翠無涯。橘洲雨長波，千頃篔簹谷。陰連樹萬家，却愛杜陵求友好。眼前山鳥與

山花

杜詩山鳥山花共友于

嶽靈作意放晴天，竹柏梯雲分外妍。黛色撲來仙袂上，江聲吹到酒杯前。東山屐尚驚羣戀北，海碑真象力全他。日道林徵故事可，無高唱繼先賢。

雨後入城

籃輿衝白雨，蒼麓走紅泉。山市菜盈把，野樵花

覆肩湘城多濕土，衡嶽少晴天。司令風何在，南薰撥舜絃。

前詩先成，夜雨如注。翌日雙圃師書來，以水漲難渡，且申後約，卽在城中小叙。復成一首。

朝來仍見雨淋漓，後約重申意亦癡。未果斯遊真絕妙，煙鬟霧鬢耐人思。

發長沙行不數里，候風有作。

陰陰雲起麓，解纜背蒼巖。盛漲不通緯，長年齊

補帆風停蕉葉扇  
霧上藕絲衫且改懷入句行  
滕理舊函

五月十五日偕陸素盦顏朗如遊嶽麓山

好山三日對可遇不可求我舟旣候風何弗嶽

麓遊卓午喚裏篷

渡船名

擊楫江中流惟時江盛

漲逆往不自由少焉渡彼岸急溜圍荒洲槎枒  
多礙楫併力出我舟山靈似有情迎楫來雙鷗  
滿坑琴筑聲低秧翠皆活飛閣出岡頭蘚碑翹  
木末驕陽客障扇新波僧洗鉢徑鼓幾沒筇祠

古遂排闥屈賈配饗宜何參佛菩薩

我無濟勝具僧爲置竹輿梯徑數百步松風襲  
衣裾小憩嶽麓寺繞殿多綵笱一觀白鶴泉再  
坐岑虎廬練淨豁遠眺鷹盤凌碧虛山靜日以  
長蓮漏聲徐徐防風供米粥香積羅筍菹高吟  
少陵詩我欲誅茅居

一僧爲導引二客能窮顛瞰江千里潤俯郭萬  
戶煙衡峯七十二一峯湘西偏泉澗互滃鬱洞  
壑相迴旋北海字漫漶左徒文渺綿安得樂巴

酒飲之漢武前蘿爲山鬼媚花爲英皇妍

三閭大夫祠

一生愛潔濯纓多徇俗祈神作九歌荃宰見遺  
賓帝所桂膏無計養天和殘僧香火分山麓怨  
水精靈在汨羅却列賈生爲弟子景差宋玉意

如何

旁附賈太傅

乞風篇

我作乞風篇再拜告湘靈予我西北風上水可  
揚舲靜候已四日積熱波微腥所望挹蕭爽荃

蘭發奇馨鷓鴣叫山頭幽咽不耐聽尤望噪乾  
鵲喚起昏霾醒湘靈鑒我言振佩來空冥左挈  
風姨袖清清復泠泠右拍嶽孺肩晴雲出巖扃  
展爾北風圖海濤助西溟送爾桂林去獨秀峯  
光青我感欲圖報持節倘再經廟貌重丹堊升  
香趨洞庭

再乞止雨篇

長沙城外江接天霖雨九日阻去船入城江水  
高數尺對岸嶽麓還籠煙雨師行雨無晝夜幾

使原隰成平川水晶簾撤玉殿上挂向下界珠  
聯駢風師助勢東南吹更無一隙西北偏豈其  
沿江居民坐小劫將沒千頃萬頃之秧田不然  
嶽靈何爲興濕霧山頭浩浩百道來奔泉我額  
吳穹憫此卑地苦兩湖水患始自辛卯年年年  
江水拍隄險間衝廬舍巢山顛今年安居米價  
賤再予秋稔歲事全上帝無不民瘼念老龍暫  
令水底眠卽如候風數百船江隄已斷百尺牽  
假之順風向南下昭山過去衡山連詰朝俞旨

會列仙羲和捧日彤階前湘娥頓收斑竹淚山  
鬼不敢陰厓鞭一天雨收一江水隨落農商歡  
喜帝澤真無邊

晨鐘

戛鏡晨鐘發山寐動搖苔髮已離披銀潢瀉月  
琴絲學玉澗飛花鶴羽知未聽風簫吹少女略  
舒霞錦與邱遲蒲葵五萬誠何用欲借沙湖一  
扇麾

追涼

涼逐前船障閒招野鷺遊風迴拖柳尾水退出  
秧頭架網沈還起肩樵去復留不應蒼翠裏缺  
了枕江樓

論楚詩十二首

和雅元音是典章西涯別業未全荒後來何李  
空排擊懷麓功臣有孟陽

右李東陽賓之

岳州彬州兩賞音石淙詩健燕泉深不與西涯  
角壇玷未能忘是濟時心即子元與遼庵句

右楊一清邃庵何孟春子元

溶溶春水筆端凝  
落落卑棲媿友朋  
讀到義熙

人物句固應心折到茶陵  
詠淵明詩云義熙人物  
義皇上典午山河

甲子中人  
茶陵詩話

右彭澤民望

正嘉並世談騷雅  
故相同鄉識所趨  
鑄鼎驚人  
題品在龍湖以後又東雩

右張治文邦廖希顏叔愚

掇甲書生勁楚風  
雪旃詠史客  
遑中頽年自署

漁仙長認得秦時花尙紅

右龍膺君御

近體清新洗滌蘿雪濤衝激肖江波一從送別  
中郎後得句青山枕上多

右江盈科雪濤

平生三集唐詩快芻狗重開生面多泣鬼驚天  
太欺世楚州還唱酒人歌

右黃周星九煙

稜稜風骨洞庭秋不礙巖豪涕淚收蒲孔蓮房

藏世界補山而外有何求

却洪經  
畧聘

右郭都賢些庵

爽筆些公兩絕倫  
滄山噫古一編新  
平生蕭瑟

蘭成賦曾作東游訪董

思翁陳翁

右陶汝鼐密庵

初抗鍾譚繼出羣  
飄飄真有氣凌雲  
高霞山上讀書處  
鄰女澆花中夜聞

右車以遵劬園

寥寥戲墨夕堂寒  
唳鶴啼猿和隻彈  
唱罷佳山

哀雨曲干戈滿地一儒冠

右王夫之船山

孤兒常抱顛天心忍古頭陀忍不禁妻子已能  
忘漆炭

用集  
中句崢嶸詩品顧亭林

右楊山松長蒼

遺興

坐看濃翠亘陂陀習習南薰奈爾何一葉翻同  
風作拗千檣直與樹爭多瀟湘客但憎霖雨蘭  
芷誰還采楚歌

項作論  
楚詩

解事送花兼送蟹長髯

要我醉顏酡

二十五日自長沙改就陸行由昭山取道

湘潭

昭山勢迴互高下度籃輿泉向峯腰束風從客  
髮梳溝塍晴曝後塵市水消初間道何方近材  
官問老漁

渡江至西岸飛羊塘

早行不卅里又上裹篷船青嶂飛羊合紅亭一  
騎先水禽鳴軋軋山蛇舞翩翩無處非圖畫螺

髮向我偏

黃茅驛

颯爽風生處松梢與竹梢山程多赤壤客夢向  
黃茅隔嶼花牽蔓當檐果絡包村居宜婦子安  
穩一枝巢

青石塘

青石塘連白石塘虬松百尺峙高岡輿行深翠  
重重裏時有風枝拂帽涼

柘塘

沓嶂疑無路，捫蘿轉轉高。  
鳥殘聽墜果，牛飲惜飛濤。  
獨樹青承蓋，晴雲赭擁袍。  
可人茶店小，石竈熟松毛。

衡山行館

舟行非候風，何由登嶽麓。  
嶽靈更導予，改水而就陸。  
三日天忽晴，千里地可縮。  
平生泰嵩恒，薄宦豁遊目。  
巫閭豹尾隨，仙霞使車速。  
入畫多煙雲，移情慣巖谷。  
茲來衡嶽下，天與看山福。  
明當謁祝融，所不辭僕僕。

擬繞行三十里至南嶽

南嶽

南嶽拔地九千丈祝融峯爲衆峯長控楚臨湘  
一大觀結霧含霓窮萬象厥明齋祓叩天庭三  
素祥光馬首迎揮翼來齊朱鳥翮披襟暫憩半  
山亭岡巒複互相磨盪林木鬚髻對蒼莽語笑  
煙霞在上封文章奇詭推方廣一從炎服肅明  
禋松桂靈宮離照新虞狩蒼梧空望帝禹碑青  
字渺傳神東溟想象扶桑影夜籟無聲碧天靜  
逸駭翔陽日觀同爛斑赤石雷池景昌黎脯酒

數來游故宅還尋李鄴侯煨芋更誰逢老衲間  
雲不復見危樓幢幢斜日興肩歷謾謾長風廢  
羽箠下嶺鳴泉儼筑琴前途盤棧如巴峽我生  
磊落巽山盟昏嫁何時了向平恒泰嵩加衡嶽  
四只虧西向華峯行

九渡鋪

碣樓都署望江樓蒸水西連湘水流山頂樓櫺  
翠脩整不須更謂夜叉頭

偶書

湖響涼風動山高曉色遲未安新畫橐輾轉夢  
中思

衡州迴雁峯在城南七十二峯至  
衡陽而盡道旁始見白蓮

石鼓朱陵路未經驕陽十里一郵亭長沙山到  
衡南盡迴雁峯留負郭青

芙蓉峯側黃庭觀誰記芙蓉是化身一片仙風  
香萬葉清修始見魏夫人

排山驛

別去衡峯纔卅里祁陽又見翠雲屯鬢獅醉象

驂鸞吟橐

毛

山排驛大芋高荷水抱村入市涼陰寬笠屨沿  
祥白日散雞豚蒼髯留我行臺宿坐待松風月  
到門

洪橋

列炬行轂莽雙溝夾道流荷香紅欲曉稻淨綠  
全浮宿露侵衣濕迴風卷幔柔過橋開嶺路竹  
木望森脩

大營市飯罷度熊羆嶺

大營市外已斜曛竹氣杉香入嶺雲羆虎看留

僧院石旌旗猶想岳家軍高疑鳥道三盤上俯  
瞰鱗塍萬鄣分與皂呼風炎暑裏馬前清磬一  
聲聞

大橋灣

最愛瓜棚架碧濤小磯斜倚女郎礎花開只供  
黃姑看滑鬢從來不受簪

書大唐中興頌搨本後寄題涪溪

漫郎文章星日輝魯公大書神采飛一從山谷  
翻新句石墨香中有是非

涪溪寄跡翦榛蕪大業河山入畫圖咫尺祁陽  
交臂過未將鏡石照今吾

溪上亭臺篆刻皆季康令問兩書佳當時失了  
袁滋本涪叟披尋已斷厓

未釋銅符兩載憂凋區賦稅費徵求少陵心折  
春陵句安得人皆元道州

畫眉鋪迤西疊嶂娟秀

白沙粲粲石庚庚境似阿盧翠疊成雲外更無  
鴻雁影雨前應有鷓鴣聲鬟垂髻擁妝光淨斧

擘麻披畫法清若使愚公移取便柳濱我正拓  
柴荆

永州

芭蕉萬本綠爲天瀟水城南湘水連筆塚千秋  
留醉素賦才一夜憶何涓得名溪谷愚非辱寫  
勝山巖淡益妍明日浮橋徐按轡出疆難別是  
雲煙

謁柳子祠

下馬來尋柳子祠八愚直費十年思真爲地幸

涪溪配能敵公文夢得詩人物元和回正氣山

邱炎僻出奇姿朝陽南礪堂堂在何必西廊覓

寺碑

零陵十年居龍興寺西廊今寺已圯

零陵道中

一邱一壑零陵美譽到歐陽畫不如  
有客自嫌

湘笠小四山涼翠浸衣裾

翠嶺紛來莫辨名  
念念翻厭竹輿輕  
柳文豔說

袁家渴何日蕪江縱棹行

黃沙埠入全州境

楚山鬱蒼秀到此忽崛奇道旁蹲大石虎豹熊  
象獅意欲挿天起元氣何淋漓林木動盈抱屹  
立山之睂老髯亦強項作其鱗之而迥非平遠  
勢北宗畫乃宜淇淇灘江波官渡夕照移列炬  
明鏡上新月翻淪漪回瞻七二峯慰我驂鸞思

沙子灣

沙子灣頭路松棚接竹橋蟬聲清欲翦峯勢湧  
如潮岸水高田潤施斤雜樹饒所欣民氣靜到  
眼足耕樵

全州佛蓋山下行館

斗南星可摘佛蓋影亭亭遠岫穹魔背喬松撒  
鳳翎窪尊苔亦紫埜燒火猶青飛閣凭欄處微  
聞貝葉馨

禮妙明塔

唐金真師彬州人參徑山得道著遺教經  
十二卷寂化湘山納體妙明塔中

覆釜天河頂禮虔州因佛姓故名全曬衣會與  
松花會人向湘山結佛緣

筍布臺高卓錫宜妙明塔見紫雲垂牧牛歌罷

山童喜獨照雙忘晏坐時

師著牧牛歌十章末二章曰獨照曰雙忘

### 磐泉

石壁陡然起磐泉碧漲橫人家施水碓驛路繞  
山城一塔奎光在千章爽氣生昨宵峯頂望隱  
隱讀書檠

### 興安曉發

一峯樹千重一峯露石骨馳道出其間雙溝流  
汨汨路轉衆峯集峯峯濯苔髮宛如几案前仇

池堆突吼水墨濃淡分曉煙亦飄忽米顛儻見  
之勞哉具袍笏

陡河

大天平接小天平鏵觥分舟騎石行極望陡門  
三十六海陽山引一源清

乳巖勒石宋淳祐飛石開渠漢始安迢迢六峒  
蠻煙靜竹翠蘿香撲馬鞍

大融江

輕捷籃輿一葦浮交橫荇藻在芳洲誰攜石鈿

烹茶具愛煞融江碧玉流

小融江

舟渡小融江一折一重嶺盤旋渡莽中西嚮復  
南騁草深石露拳林濕樹生瘦枯澗肥芋田斷  
厓隱砂井嶺凹天忽空妙鬘罩雲影涼風吹復  
移曾不留俄頃樵肩墮元蟬輿足駭青龜溽暑  
人勿知諦觀一以靜

靈川水榭

水榭圓池上剛逢月上弦大魚來暖影高樹欲

爭妍南部光明界西溪罨畫天四圍清淺處惜  
未種江蓮

甘棠渡

蔽芾棠陰仰召公桂林山水甲寰中才人特爲  
尋訪到我是皇恩許采風

曾孫爾鼎謹校